

1445

Sebija Izetbegović
Zastupnica u Skupštini Kantona Sarajevo

Bosna i Hercegovina
Federacija Bosne i Hercegovine
Kanton Sarajevo
Skupština Kantona Sarajevo

Bosna i Hercegovina
Federacija Bosne i Hercegovine
Kanton Sarajevo

PRIM	22-04-2026
Organizaciona jedinica	45
Broj prijave	7593-89

n/r Predsjedavajućeg Skupštine Kantona Sarajevo

Uputiti: Ministarstvu zdravstva Kantona Sarajevo i Kliničkom centru Univerziteta u Sarajevu (KCUS)

PREDMET: Službena putovanja i vršenje dužnosti generalnog direktora KCUS-a

Poštovani,

U cilju potpunog sagledavanja načina upravljanja Kliničkim centrom Univerziteta u Sarajevu, transparentnosti korištenja javnih sredstava i kontinuiteta rukovođenja ustanovom, a u skladu sa Poslovníkom Skupštine Kantona Sarajevo, upućujem sljedeća zastupnička pitanja:

I. SLUŽBENA PUTOVANJA

1. Potpunu i tačnu informaciju o svim službenim putovanjima dr. Alena Pilava, uključujući period od imenovanja za vršioca dužnosti generalnog direktora, kao i period od imenovanja na puni mandat.
2. Ukupan broj dana provedenih na službenim putovanjima u navedenim periodima.
3. Pojedinačan pregled svakog službenog putovanja, uključujući: destinaciju, vremenski period trajanja, svrhu putovanja i instituciju/organizaciju domaćina.
4. Ko je snosio troškove službenih putovanja (KCUS, druge institucije, međunarodni partneri i sl.).

II. ZAMJENA TOKOM ODSUSTVA

1. Ko je vršio dužnost zamjene generalnog direktora KCUS-a u periodima odsustva dr. Alena Pilava.
2. Pojedinačan pregled zamjena, uključujući: ime i funkciju osobe koja je vršila zamjenu, tačan vremenski interval trajanja zamjene.
3. Na osnovu kojeg akta su određivane zamjene i ko je donosio te odluke.

III. NAKNADE I FINANSIJSKI ASPEKT

1. Da li su osobe koje su vršile zamjenu generalnog direktora ostvarivale povećanje plate ili druge finansijske naknade po tom osnovu.
2. Ukoliko jesu, koliki je iznos tih povećanja ili naknada, pojedinačno po svakom slučaju zamjene.
3. Ukupan finansijski iznos isplaćen po ovom osnovu.

IV. KONTINUITET UPRAVLJANJA

1. Na koji način je osiguran kontinuitet upravljanja KCUS-om u periodima odsustva generalnog direktora.
2. Da li su u tim periodima donošenje ključnih odluka i upravljanje ustanovom vršeni bez zastoja i u skladu sa važećim propisima.

ZAKLJUČAK

S obzirom da se radi o rukovođenju najvećom zdravstvenom ustanovom u Bosni i Hercegovini, kao i o korištenju javnih sredstava, neophodno je osigurati potpunu transparentnost u vezi sa službenim putovanjima, troškovima i načinom organizacije rukovođenja tokom odsustva generalnog direktora.


Posebno je važno utvrditi da li su svi postupci bili u skladu sa zakonom, internim aktima i principima odgovornog upravljanja javnim resursima.

Očekujem da nadležne institucije dostave jasan, precizan i dokumentovan odgovor, uz kompletnu prateću dokumentaciju.

S poštovanjem,

Sebija Izetbegović

Zastupnica u Skupštini Kantona Sarajeva



0